

تاریخ عثمانی انجمنی

۱ کانون اول
۱۳۳۲

بدنجی سنه
نومبر ۴۱

مجموعہ سی

آنقره اخیلرینه عائد ایکی کتابه

احمد توحید بکک روم سلجوقی دولتک انقراضیه تشکل ایدن طوائف ملوک حقنده بوجمعه ده یازدینی مقالات مفیده دن بریده آنقره ده اخیلر حکومتنه حصر اولنمش ایدی^(۱). آنقره یی زیارت مزده اخیلره دائر آثار باقیه اولوب اولمدیغنی آراشدیردق و فی الواقع ایکی کتابه نظر دقتمز ی جلب ایله دیکندن بورایه درج ایدیوروز. بونلرک حقیقه آنقره ده برنوع جمهوریت تشکیل ایتیش اولان اخیلره می یوقسه آنقره اشراقندن اوله رق (اخی) عنواتی طاشیان ذواته می عطف ایدیلک لازم کلدیکی بالآخره تدقیقه محتاجدر^(۲).

— ۱ —

آرسلانخانه تسمیه اولنان علك قرینده واقع اخی شرف الدین جامنک آغاج منبرینک قبوسنده ایکی سطر سلجوقی ثلث خط ایله محکوک کتابه :

- (۱) عمرالجامع المبارک فی ایام السلطان الاعظم غیاث الدینا والدین ابی الفتح مسعود بن کیکاوس خلدالله سلطانه
- (۲) بتوفیق الرب الانام الاخوان صاحب الفتوة والمروءة مدالله عمرهما فی شهور سنة تسع وثمانین وستمائة

(۱) دردنجی ، سنه ، ۱۳۲۹ ، ص ۱۲۰۰ .

(۲) آنقره ده کرك سلجوقی دورندن وکرك عثمانیلر زمانندن اولق اوزره برخیلی کتابه لر وارد . بونلرک مجموعی برآرده اوله رق نشر اولنه جقدر .

— ۲ —

اخى شرف الدين جامعك قارشينده وبرمدرسهك اتسالنده بولنان اخى شرف الدين تربه سنك جهت شرقيه سنده كي پنجرهك بالاسنده درت سطرلق مرمره كتابه :

(۱) سعى بانشاء هذه العمارة العبد الضعيف المحتاج

(۲) الى رحمة ربه اللطيف محمد ابن اخى حاتم الحسينى بون

(۳) الله قلبه فى الدنيا والآخرة بجرمة الحين واخيه و

(۴) جده وابنه وامه وبنته فى سنة احدى وثلاثين وسبعماية


بالاده كي كتابه لردن برنجيسى ۶۸۷ تاريخلى اولغله غياث الدين مسعود ثاتينك دفعه اولى حكومته مصادفدر . ايكنجى كتابه ايه ۷۳۱ سنه سنى حاوى اولوب هيچ بر حكمدار اسمنى حاوى دكلدر . انقرده قزل بك جامعى منبرينك كتابه سى علاء الدين كيقباد نالك زمانده و ۶۹۹ ده اعمال اولغش اولديغندن بوتاريخده اوراده دهاسلچوقيلرك حكى جارى اولدينى آكلاشيلور ^(۱) .

شرف الدين جامعى منبرينك كتابه سنده واقفك اسى محرز دكلدر . « الاخوان صاحب الفتوة والمروة » عباره سى بلكه ده اوزمان تأسس ايتمكه باشلامش اولان اخيله بر اشارت اولسه كر كدر .

ايكنجى كتابه ده اخى حاتم الدينك اوغلى اخى محمدك اسى محرز دركه بونك (اخى شرف الدين) ناميله معروف اولدينى الاّن موجود

(۱) بوجمعه ده آل كريمان كتابه لرينه دائر نشر ايلديكم مقاله يه مراجعت،

اولان شجره نك مندرجاتندن مستبان اوليور (۱) . اون اوج مترو
 طولنده برطومار شكلنده اولان بوشجره ده بتون اخيلرك اسلامى تعداد
 اولنمظه سلسله نامه لرى تنظيم ايتك ممكندر . بز بوراده يالكز برقاجنى
 قيد ايديوزز :



اخيلرك سلسله نامه سنده هراخى ايجون بعض معلومات واردر ، فقط
 هيچ برنده حكومت ايتدكلرينه دائر برسوز يوقدر . از جمله اخى حاتم الدين
 ايجون شويله يازيليدر : د وهوه صاحب الفتوة والمروة والمعروف بالسخاوة
 والشجاعة والزهد والعبادة واطعام الطعام على المساكين مات فى شوال

(۱) اخى شرف الدين محمد طرفندن تنظيم ايتديريلوب انقره ده شرف الدين
 جامعنده محفوظ اولان بوطومار برآزالق استانبوله جلب اولنمش ايدي . بونك
 ينه محله كوندريلايكنى توحيد بك مقاله سنده بيلديرييور ، ص ۱۲۰۲ .

سنۃ خمس وتسعين وستایۃ وله من العمر اثنی وسبعین سنۃ کنتہ افتدی
 باصطلاح اهل الروم معناه کیرنا .
 آنقرہ قصبہ سندہ وجوارندہ کی قرادہ تحری ایدیلہ جک اولورسہ
 بلکه اخیلرہ دائر بعض وثائق ألدہ ایدیلہ ییلور .

خلیل ادھم